



Stem schuch dich. **A**lso In das zu fechten stand mit deinem lincen fuoß vor vnd stich im nach seiner lincen seiten sticht Er dir also zu vnd du mit deinem rechten fuoß vor steest so schick im das ab mit deiner dolchen klingen auß deinem arm In dem greiff mit deiner dincen hand In seinen rechten arm trüch darmit vnder sich vnd stich im oben nach seinem gesicht Sticht er dir also zu so greiff mit deiner lincen hand In sein rechte vnd lasz deinen tolichen fallen In des greiff mit deiner rechten hand an der lincen stat vnd mit der lincen auß sein rechte Achsel vnd verker In damit auß sein rechten seiten verker Er dich also so nimb deinen tolichen In die lincen hand In dem drit mit deinem rechten fuoß vvol für dich hinauß vnd wend dich In des behend vnd stich im nach seiner lincen seiten Sticht er dir also zu so greiff mit deiner rechten hand vvol vornen In seinen lincen arm vnd mit der lincen In seinen tolichen so windstu im den auß seinen henden Das Er dir deinen tolichen genomen so tritt mit deinem rechten fuoß vnder seinen lincen In dem schick im mit deiner rechten hand vornen an seinen hals vnd mit der lincen zwischen seine gemecht vnd wirff In damit zu rüch